

良鄉縣志卷之七

物產志

穀屬 蔬屬 果屬 蔬屬 貨屬 木屬 藥屬  
花屬 草屬 禽屬 獸屬 鱗屬 介屬 蟲屬

土之貢職必書自夏后氏昉心以阜其財求而利其器用兆民賴焉亦誌之惟悉蓋愛土服罽稽人成功俗之上也羽毛齒革化居懋遷俗之次也貨則棄於地力則匿於身皆窳媮生民罔攸恃俗之下也故君子重物產也

穀屬

良鄉縣志

卷七物產志 穀屬

一

黍 有白黃黑三種爾雅翼黍有赤黍黑黍黏者別名秫北人謂黃米亦曰黃糯李時珍曰稷之黏者為黍粟之黏者為秫粳之黏者為糯今俗不知分別通呼秫與黍為黃米矣

稷 有白黃黑三種羣芳譜一名稜一名粢關西謂之糜冀北謂之緊米似粟米而稍大色黃鮮麥後先諸米熟炊飲疎爽香美故以供祭

稻 羣芳譜一名稌有粳有糯粳即秈也粳之小

者謂之秬種類甚多北方地平惟澤土宜旱稻  
良地水泉不旺稻田甚少近年水碾屯葫蘆堡  
等村間有開渠引廣陽河種水稻者

粟 羣芳譜北方直名之曰穀脫殼則謂之小米  
實則五穀中之一梁屬也種類甚多熟有早晚  
北人日用不可缺者周禮地官註北方水土深  
厚窖地而藏可數十年不壞

麥 羣芳譜一名來俗稱小麥秋種夏熟具四時

良鄉縣志

卷七物產志

穀屬

二

中和之氣兼寒熱溫涼之性繼絕續乏爲利甚  
普故爲五穀之貴亦可春種至夏便收然不及  
秋種者性有南北之異北地燥冬多雪春少雨  
麥晝花薄皮多麵食之宜人陳者更良

大麥 羣芳譜一名牟小麥磨麪作餅餌大麥止  
堪碾米作粥飯磨麪作醬及喂馬用他如穞麥  
燕麥雀麥大抵與麥一類而異種

蕎麥 羣芳譜一名莖麥一名烏麥一名花蕎立

秋前後下種密種則實多稀則少八九月熟最  
畏霜數年來又宜早種遲則少收

蜀黍 羣芳譜一名高粱一名蜀秫一名蘆稌一  
名蘆粟一名木稷一名荻梁米有二種粘者可  
和糯秫釀酒作餅不粘者可作糕煮粥亦可養  
畜莖可織箔編席夾籬供爨稍可作筥帚殼浸  
水色紅可以紅酒有利於民者最博良地所種  
近有數種色有紅黃白之異

良鄉縣志

卷七物產志

穀屬

三

玉蜀黍 李時珍本草苗葉俱似蜀黍而肥矮高  
三四尺六七月開花成穗如秕麥狀苗心別出  
一苞如櫻魚形苞上出白鬚垂垂久則苞拆子  
出顆顆攢簇黃白色可炒食炒拆白花如炒拆  
糯穀之狀亦可煮食亦可磨麩俗呼玉米

脂麻 羣芳譜一名油麻一名胡麻一名巨勝沈  
在中筆談云胡麻卽今油麻古者中國止有大  
麻張騫始自大宛得油麻種來故名胡麻李時

珍曰脂麻有早晚二種黑白赤三色取油以白者爲勝

火麻 卽大麻也

黑豆 羣芳譜豆者莢殼之總名也農書黑豆中  
最細者曰穉豆一曰料豆北人以飼馬

小豆 畿輔通志有赤白二種又有雜色

綠豆 羣芳譜綠以色名也作菜非圓小者佳有  
二種粒粗而色鮮者爲官綠又名明綠皮薄粉

良鄉縣志

卷七物產志

穀屬

四

多粒小而色暗者爲油綠又名灰綠皮厚粉少  
早種者名摘綠可頻摘也遲種名拔綠一拔而  
已可磨麩可作粥飯水泡磨爲粉可作餌蒸糕  
盪皮壓索夏日煮湯飲能清熱去暑爲食品中  
必需之物亦可飼牲畜

黃豆 羣芳譜有大小二種苗葉莢其與黑豆無  
異惟葉之色稍淡結角比黑豆稍肥其豆可食  
可醬可豉可油可腐腐之滓可喂豬荒年人亦

可充饑油之滓可糞地其可然火葉名藿嫩特  
可爲茹

豌豆 羣芳譜種出西胡北土甚多八九月下種  
亦有春種者嫩時色青可煮食老則斑

食可作麩食餡磨粉麩甚白而細膩百穀之中  
最爲先熟又耐久藏

扁豆 通雅脾豆匾豆也或作菹豆有紅白二種  
莢似羊眼或呼爲羊眼豆

良鄉縣志

卷七物產志 穀屬

五

蠶豆 太平御覽蠶豆亦名胡豆張騫使外國得  
種歸

稗 野生色深綠根下葉帶紫色稍頭出扁穗子  
如黍茶褐色可救荒

稗 苗似稗而穗如粟有紫毛卽烏禾也可救荒  
穆子 羣芳譜一名龍瓜粟一名鴨瓜稗北地荒  
坡處種之苗葉似穀至頂抽莖有三稜開細花  
結穗如粟而分數岐狀如鷹瓜子如黍而細碾

豇豆 本草一名降雙嫩時充菜老則收之

菜豆 先熟者俗名五月鮮大而圓者名金剛圈青而長者名絲瓜青

刀豆 嫩青時煮食醬醃皆佳

米煮粥炊飯磨麪食皆宜可救荒

**蔬屬**

葱 羣芳譜一名朮一名菜伯一名和事草一名

鹿胎畿輔舊志有四種曰凍曰胡曰漢曰茗凍

良鄉縣志

卷七物產志

蔬屬

六

葱卽冬葱夏衰冬盛莖葉氣味俱軟美食用最

善用葱狀似大蒜而小形圓皮赤葉似葱根似

蒜八月種五月收漢葱春末開花成叢青白色

冬卽葉枯亦供食品茗葱卽山葱也似葱而小

細莖大葉又有一種樓葱人呼爲羊角葱亦冬

葱之類

韭 羣芳譜一名豐本可生可熟可淹可久菜之

最有益者爾雅翼韭者嬾人菜以其不須歲種

也冬月移根窖中養以火炕培以馬糞葉長尺許不見風日色黃嫩謂之韭黃味甚美惟京師及天津有之

蒜 羣芳譜一名葫一名大蒜一名葷菜處處有之而北土以爲常食苗嫩時可生食夏初食臺秋月食種乾者可食至次年孫恂唐韵云初時中國止有小蒜張騫使西域始得大蒜種

芥 羣芳譜一名辣菜種類不一葉可生食又可掩以爲菹可釀以爲齏子研末泡爲芥醬和菜脩肉辛香可啖霜降後取其根置罈甕中以鹽醃之脆如蘿蔔愈久愈佳此人以爲常食

芹 羣芳譜一名楚葵一名水英赤白二種白芹取根赤芹莖葉並堪作菹又有一種馬芹爾雅謂之菱葉細銳可食亦芹類也

薤 羣芳譜一名藟子一名葢子韭類也今俗呼爲小葱本草薤葉似韭而中空其體先滑露亦

難停故古人有薤露之歌

椒 一名花椒又名秦椒以產自秦地故名葉青皮紅花黃膜白子黑秉五行之精最易蕃衍又有一種番椒白花子如禿筆頭色紅鮮味甚辣俗亦呼爲秦椒

茴香 一名蘘香有大小二種味芳辛可作食料  
蓴菜 一名胡荽味香生熟俱可食

蘿蔔 一名萊菔一名蘆菔一名紫花菘一名土

良鄉縣志

卷七物產志

蔬屬

八

酥處處有之北土尤多狀有長圓二類根有紅白紫三色生沙壤者脆而甘生瘠地者堅而辣根葉俱供食品可生可熟可菹可齏可醬可糖乃蔬中之最有益者又一種曰胡蘿蔔元時來自胡地故名葉碎根細長內外皆紅色心稍黃  
蔓菁 一名葍一名蕪菁一名諸葛菜四時皆有苗葉根俱堪食子可打油然燈甚明

菠菜 一名菠稜一名赤根菜出西域頗陵國春



初嫩而且美春暮漸老沸湯泡過曬乾可久食  
白菜 一名菘有二種一種莖扁薄春種夏食一  
種莖圓厚夏種秋收窖藏可以過冬菜中之最  
堪常食者羣芳譜黃芽菜白菜別種葉莖俱扁  
葉綠莖白惟心帶微黃燕京圃人以馬糞擁培  
不見風日苗葉皆嫩黃色脆美無滓佳品也  
同蒿 莖肥葉綠有刻缺微似白蒿甘脆滑膩莖  
以佐日用最爲佳品

蒿苣 四月抽莖高三四尺生食味清脆糟食亦  
佳江東人鹽曬壓實以備方物謂之苣

茗蓬 一名恭菜

芸薹菜 一名油菜以子可打油也

山藥 負暄雜錄曰本名薯蕷唐代宗諱豫改薯  
藥宋英宗諱曙遂名山藥

甘藷 羣芳譜一名番藷有紅白二種

擘藍 芥屬根極脆生熟俱可食丸菜根皆在土

中此獨在土上

茄子 羣芳譜一名落蘇有紫白二種紫者又名紫膨脝白者又名銀茄又一種白者名渤海茄形圓有蒂有萼大者如甌

蘑菰 卽地菌也博物志菌味美而常毒殺人

藕 爾雅荷芙蕖其根藕良無水田多坑種

芋薺 舊名烏芋又名蔦茨

薺 爾雅可作菹及羹

良鄉縣志

卷七物產志

蔬屬

十

莧 羣芳譜凡六種

藜 羣芳譜一名地膚處處有之苗嫩時可作蔬至秋而蘗幹成子落以草束其腰用石壓扁可為帚故又名獨帚今俗名呼為掃帚苗

苦菜 一名苦苣一名苦蕒野生月今孟夏苦菜秀卽此物也味苦寒無毒夏日宜食能益心和血通氣

果屬

桃 種類甚多實有大小熟有早晚熟愈晚者味愈甘以久經風露故也邑境所產果實桃爲最盛且佳美遠勝山桃

杏 有數種長安客話杏仁味皆苦有一種甘者名巴旦杏或謂之八達杏或謂之八丹杏食物本草杏仁雙生者有毒不可食

李 埤雅李性難老枝枯子亦不細良產有紫黃二種

良鄉縣志

卷七物產志

果屬

十一

梨 有數種色形香味種種不同甘如蜜脆如菱可以消煩解渴果中之佳品也邑境所產如秋梨紅綃梨二種味既甘脆更耐久藏尤足供不時之需

棗 一名木蜜有數種大者棗小者棘孟子曰養其棘棘即今之酸棗也齊民要術旱澇之地不任稼穡者種棗則任矣

蘋婆果 俗名蘋果有白赤青二種畿輔志其花

紅白雅淡花中之最可愛者

林檎 畿輔志俗名甜果卽林檎又縣而沙者曰沙果

柰 羣芳譜樹與葉皆似林檎而實稍大有青赤白三種

柿 木中根固柿爲最古云柿有七絕一樹多壽二葉多陰三無鳥巢四少蟲蠹五霜葉可玩六嘉實可啖七落葉肥大可以臨書

良鄉縣志

卷七物產志

果屬

十三

石榴 博物志張騫使西域得自安石國

葡萄 漢書種出大宛張騫所致有綠紫白三種  
一種實尖長如棗核形熟最早俗名馬牙葡萄  
又一種實小而無核味尤甘

核桃 一名羌桃又名胡桃以張騫自胡羌得其種故名

山查 俗名山裏紅本草有大小二種小者入藥  
無花果 樹似胡桃不花而實生青熟紫味如柿

而無核

文官果 葉似榆而尖長周圍鉅齒紋春開小白  
花成穗花落結實大者如拳

落花生 種宜沙地炒食煮食均佳亦可壓油

**蘇屬**

黃瓜 有青白二種按本草張騫自西域得其種  
本名故瓜拾遺錄隋大業四年避諱改胡瓜爲  
黃瓜今俗以月令之王瓜生卽此誤矣王瓜葶

良鄉縣志

卷七物產志

蘇屬

十三

挈也一名土瓜生籬落間結子如彈丸生青熟  
赤見月令注及爾雅正義

西瓜 學圃雜疏金王征西域得之故以西名種  
類甚多顏色各異近有一種皮瓢子皆白色名  
三白瓜味尤甘

甜瓜 有數種顏色不同名稱各異總以香而甘  
者爲上品

菜瓜 俗名稍瓜可生食亦可醃以爲菹又一種

形圓熟最早名蘇瓜生食之甚脆

南瓜 俗名倭瓜其實生青熟黃或扁或長形質不一可飽人北方以爲常食又一種純白色亦名南瓜可作蔬

冬瓜 羣芳譜一名白瓜一名水芝一名蔬菰其實長者如枕圓者如斗皮厚有毛初生青綠色經霜則白如塗粉

絲瓜 嫩時充蔬老則其瓢如絲可滌器

良鄉縣志

卷七物產志

蔬屬

古

番瓜 俗名西洋瓜形如南瓜而有紅綠紋熟時燦爛可觀可爲玩具亦可作蔬

攪瓜 色白形圓長秋後熟熟時置冷處使凍凍堅煮以清水用棍攪之皆成細絲故名攪瓜

壺 卽匏也俗名葫蘆種類不一有大如盆盎者有小如拳者有柄長數尺者有中作亞腰者隨形製器爲用甚廣其味有甘苦之別甘者可食苦者有毒

瓠子 羣芳譜江南名扁蒲苗葉花俱似壺結實  
長一二尺亦有短者味淡可作蔬

**貨屬**

絲 急就篇註抽引精繭出緒曰絲按北方乏蠶  
桑之利一切織染之法均所不解間有養蠶之  
家而所產絲絲遠不及南方之精潔蓋由天時  
地利南北各殊非僅人工之未善也

木棉 一名吉貝花俗呼棉花本草木棉有草木

良鄉縣志

卷七物產志 貨屬

五

二種草本者出南番宋末始入江南今則徧及  
江北與中州矣不蠶而絲不麻而布利被天下  
其益大哉按木棉種宜沙土先將地耕熟至穀  
雨時下種先將子用水浸片時漉起以窰灰拌  
勻每穴種五六粒用糞或麻餅壅之待苗出時  
將太密者芟去止留肥者二三苗長成後不時  
摘頭使不上長則花多絲廣至於鋤草須勤白  
露後收絲以天晴爲幸子可打油葉堪飼牛

麻 爾雅疏麻一名臬本草大麻有實者名苴無實者名臬又一種名榮亦臬屬俗呼黃麻  
線 有一種木棉質最軟絨最長俗名長絨花服之輕暖用以紡綿尤佳

靛 卽藍草也苗高二三尺花葉如水蓼實亦如蓼子而黑大二三月下種至苗高二寸許分栽成行勤澆水夏至前後看葉上有破紋方可收割收後以池漚之取其清汁貯缸中投以石灰次日變黃色再用木爬頻頻攪之俟變至紫黃色則去水而成靛矣

良鄉縣志

卷七物產志

貨屬

六

蜂蜜 有黃白二色白爲上黃次之按爾雅翼北方地燥蜂多在土中故曰土蜜今則蓄蜂之家皆構木以爲蜂房有多至二三十間者非盡上蜜也

黃蠟 卽蜂蜜滓也以布漉淨其蜜將渣再熬俟融化傾入水中則成蠟矣



黃酒 遠邇馳名京師尤重之按酒以地傳者如  
浙之紹興惠泉等處蓋因其地泉甘而居人善  
於造釀故爾得名若良之黃酒則係山東人在  
邑中設肆以酤問之居人殊不解造酒法也

木炭

**木屬**

松 周禮職方氏冀州其利松柏

柏 爾雅疏柏一名榭

良鄉縣志

卷七物產志

木屬

七

檜 一名栝柏葉松身體堅難長木聳直而皮薄

肌細至冬葉更青翠又松葉柏身者名樅

槐 爾雅註槐樹葉大色黑者名爲榿又一種枝

從頂生屈曲盤結下垂如蓋名龍爪槐又名盤

槐

椿 易長而壽春時芽可充蔬俗名香椿又一種

葉似椿而味臭有花而結莢其名曰櫛俗呼臭

椿其實非椿也

榆 有數種葉皆相似但皮及木理有異刺榆身多刺白榆一名枌初春先生莢謂之榆錢味甘可作羹其皮磨爲麩性黏如膠諸米麩之散而不黏者攪榆麩和之則固結有力矣

柳 有官柳垂柳二種初春生柔荑開黃花以漸生葉至暮春花中結細子如粟米上帶白絮隨風飛舞乃官柳也若叢葉成陰長條數尺嫋嫋下垂者垂柳也又一種檉柳幹不甚大赤莖弱枝葉細如絲縷一年作三次花其花粉紅色形如蓼俗名三春柳

楊 有白楊青楊二種白楊葉似梨而長厚面淡青而背白蒂長兩兩相對遇風則簌簌有聲高者至十餘丈人多植之墓道間青楊小於白楊葉似杏而長大青綠色本亦聳直

梧桐 說文梧桐本一名櫬

桑 典述桑箕星之精蠶食其葉爲文章

楸 爾雅釋木椅梓註卽楸韻會楸與梓本同末  
異若檜之柏葉松身

杜 爾雅疏杜一名甘棠卽今之杜梨也可任剖  
廁

冬青 一名萬年枝女貞別種也經冬不凋墳墓  
間多植之

阜茨 一名阜角實如刀豆而長大可入藥並能  
去垢婦女浣衣多用之

良鄉縣志

卷七物產志 木屬

十九

竹 按竹之類甚多利亦甚廣北方土燥非其所  
宜間有種者不過爲園亭之點綴而已

藥屬

地黃 本草菊花心者佳用沉水者浮水不用  
牽牛 一名草金鈴有黑白二種

枸杞 爾雅疏一名枸檮一名苦杞一名地骨  
益母

麻黃

三稜 本草色黃體重若鯽魚而小者良

菟絲

薏苡 俗名草珠兒

栝萇 俗作瓜萇

天花粉 卽栝萇根

蒼耳

藍實

地榆 本草似柳根外黑裏紅

良鄉縣志

卷七物產志 藥屬

三

蒼蒲

防風

荆芥 本草一名假蘇

知母

地膚子

車前子 卽芣苢爾雅翼幽州人謂之牛舌草

蒲公英 本草一名黃花地丁

蒺藜 爾雅註茨一名蒺藜

酸棗仁

透骨草

茵陳

蓖麻子

紫花地丁 葉似柳而細夏開紫花結角

薄荷 有家野二種

大小薊 大薊莖高而葉皺小薊莖低而葉不皺

艾 畿輔志有家野二種爾雅疏艾一名冰臺

良鄉縣志

卷七物產志 藥屬

三

瞿麥 爾雅釋草大菊蘧麥郭註一名麥句薑卽

瞿麥

**花屬**

牡丹 北地最多花有五色千葉重樓之異

芍藥 古名將離古今注芍藥一名可離故將別

以贈之

梅 按范石湖梅譜有九十餘種其榦愈老愈佳

北方地寒不宜地種惟植作盆景而已

海棠 帝京景物畧上西府次鐵梗次垂絲麿者  
木瓜瓣之以其葉木瓜花先葉海棠葉先花

丁香 一名百結有紫白二種

碧桃 有紅白二種

郁李 一名棠梨枝葉似李而小花有赤白粉紅

三色實若櫻桃而赤味酸甜可食

迎春 一名腰金帶

夾竹桃

良鄉縣志

卷七物產志 花屬

三

玫瑰

金銀藤 一名忍冬

紫薇 一名百日紅

月季 一名鬪雪紅俗名月月紅

紫荊 一名滿條紅

長春花 一名金盞草

木槿 詩鄭風顏如舜華註舜木槿也

酴醾 蔓生多刺引其條以架承之則葉茂而花

繁

薔薇 蔓生花有五色結屏最佳

石榴花 一種中心花瓣如起樓臺名重臺榴花  
花最大而色尤豔按石榴有單葉千葉之分單  
葉者結實千葉者不結實

萱 一名宜男一名忘憂草又一種名鹿葱亦萱  
類

葵 有蜀葵錦葵向日葵三種蜀葵花有數色古

良鄉縣志

卷七物產志

花屬

三

名蒼又名戎葵一名衛足葵以傾葉向日不令  
照其根也錦葵花綴於枝單瓣小如錢色粉紅  
上有紫縷紋向日葵高丈餘葉大於蜀葵每幹  
祇一花黃瓣大心其形如盤花常向日

雞冠 有紅紫黃白青數種

金雀

石竹 一名石菊又一種與石竹相類名洛陽花  
鳳仙 一名小桃紅一名海蔘一名旱珍珠又名

菊婢有數種葉皆相似而花色各異其實名急  
性子

罌粟 一名御米一名賽牡丹

荷 總名芙蓉別名芙蓉一名水芝爾雅釋草荷  
芙蓉其莖茄其葉邁其本蓊其華菡萏其實蓮  
其根藕其中的的中薏

蓼 一名水荳花

馬纓

良鄉縣志

卷七物產志

花屬

三

六月菊 花似菊而黃心自六月開至秋故名

千日紅 俗名火毬兒

野茉莉 花有數色

玉簪 有紫白二種

秋海棠 一名八月春

菊 帝京景物畧菊種最繁種菊之法自春徂夏  
辛苦過農事

西番蓮



夜落金錢 一名子午花

望江南

珍珠花

**草屬**

蒲

荻

蘆 一名葭又名葦說文葦大葭也

煙草 原名淡巴菰

良鄉縣志

卷七物產志

草屬

三

芭蕉

老少年 一名雁來紅

苜蓿

酸漿草 爾雅釋草歲寒漿疏歲一名寒漿即今

之酸漿草又名玉母珠又名燈籠草俗呼紅姑

娘

馬蘭

芫蘭 草木蟲魚疏幽州人謂之雀瓢

水葱

藻 說文水草也按藻水草之有文者故古人以之喻文彩

莎 博雅地毛莎蔭也

蓬

蒿 爾雅釋草藜之醜秋為蒿註春時各有種名至秋老成通呼為蒿

茅 說文菅也

良鄉縣志

卷七物產志 草屬

三

苔 一名薜陸龜蒙苔賦高有瓦苔卑有澤葵散岩竇者曰石髮補空田者曰垣衣在屋曰昔邪在水曰陟釐

禽獸

鵝 一名舒雁

鴨 爾雅釋鳥舒鳧鶩疏鶩鴨也一名舒鳧

雞 又名德禽

鶻 又名鶻鶻

烏 廣雅純黑反而者謂之烏小而腹下白不反  
哺者謂之鴉烏又白項而羣飛者名燕烏又名  
寒鴉

鵲 古今注鵲一名神女

鳩

燕 一名鳧一名元鳥

黃鸝 卽鶯也按此鳥別名甚多隨地而異

鶴 說文鶯鳥也

良鄉縣志

卷七物產志

禽獸

三

鵲鶉

鷓 一名伯勞

鷺 一名春鉏

鳧 又名野鴨

鴛鴦

鶉鴒 一名洵河

鶻 水鳥禽經鶻俯鳴則陰仰鳴則晴羣繞族飛  
必有風雨

鳶 俗名鷓鷹能知風鳴則風至

鷓鴣 埤雅鷓鴣臆前有白圓點文多對啼常向

日其鳴自呼云鉤軫格磔行不得也哥哥

戴勝

割麥插禾 俗呼光棍奪鋤

啄木 爾雅疏啄木鳥一名鴛

鷓鴣 俗呼青莊

秃鶯 玉篇水鳥也一名扶老俗名鷓鴣

良鄉縣志

卷七物產志

禽屬

三

布穀 俗名可穀

阿濫堆 畿輔志阿濫似山鵲而小

灰串 畿輔志北畫眉一名灰串

雀 有瓦雀靛雀黃雀桃雀各種瓦雀古今注一

名嘉賓言常棲宿人家如賓客也土人呼為家

雀靛雀形如瓦雀而色黑俗名自自回回黃雀

體肥可為炙桃雀禽經狀類黃雀而小燕人謂

之巧婦亦謂之女匠

鷓鴣 玉篇鷓鴣小鳥在葦

寒號蟲

蝙蝠 一名服翼

鴟鴞

**獸屬**

牛

馬

羸 俗作騾古今注驢為牡馬為牝生羸正字通

良鄉縣志

卷七物產志

獸屬

无

羸似驢而健驢力在髀羸力在腰乘者宜隨其力進退之

驢 說文衛地出驢故名驢曰衛

犬 曲禮疏狗犬通名若分而言之則大者為犬

小者為狗故月令皆曰犬而周禮有犬人職無

狗人職也

羊

豕

貓 埤雅貓晴子午卯酉如一線寅申巳亥如滿  
月辰戌丑未如棗核鼻端常冷惟夏至一日暖

狐

兔

俗呼野貓

狼

獾

狸

蝟

俗呼刺蝟

良鄉縣志

卷七物產志

獸屬

三

鼠

按爾雅釋獸鼠有數種今田間有小獸似鼠

能於地中行所過之處土墳起鄉人呼爲地擺  
子卽爾雅之所謂鼯鼠也又一種狀如鼠而稍  
大蒼色修尾在樹木上俗名松鼠卽爾雅之所  
謂鼯鼠也

黃鼠狼

爾雅鼯鼠註鼯似鼯赤黃色大尾啖鼠

江東呼爲鼯卽黃鼠狼也又名地猴

鼯屬

鯉 正字通神農書曰鯉爲魚王無大小春旁鱗皆三十有六鱗上有小黑點文有赤白黃三種  
鯽 一名鮒陸佃曰此魚好旅行吹沫如星以相  
卽謂之鯽以相附謂之鮒

金魚 以鱗皆金色故名人多蓄之缸中以爲玩  
有赤白黑藍數種藍者尤貴

魴 一名鰕

鱒 草木蟲魚疏鱒似鱣而鱗細於鱣赤眼

良鄉縣志 卷七物產志 鱗屬 三

鱧 俗名黑魚

鯊 通雅鯊吹沙小魚黃皮黑斑

鮎 爾雅註鮎別名鯢

鱓 本草圖經鱓以鰻鱧而細長似蛇而無鱗有  
青黃二色生水岸泥窟中

鱣

鱮 爾雅註今泥鱮

介屬

鼈 俗呼腳魚

蟹

鰕

蛤 禮月令註大蛤曰蜃

螺

蝸牛

蟲屬

蠶 元中記蠶有八種皆能食葉吐絲

良鄉縣志

卷七物產志

蟲屬

三

蜂 有密蜂土蜂馬蜂三種

蟻 爾雅疏其大者別名蚍蜉

蟬 帝京景物畧土人呼為唧蟬三伏鳴者聲躁

以急曰伏天入秋而涼鳴則淒短曰秋涼

螽斯 草木蟲魚疏青色以股鳴或謂之春箕蟲

之不妬忌一母百子者也

螢

蛺蝶



絡緯 帝京景物畧便腹青色以股躍以短翼鳴  
其聲聒聒名之曰聒聒兒

蟋蟀 草木蟲魚疏幽州人謂之趣織

莎雞 草木蟲魚疏幽州人謂之蒲錯如蝗而斑  
色毛翅數重下翅正赤六月中飛而振羽索索  
有聲

螳螂 爾雅疏捕蟬而食有臂若斧

螻蛄 本草一名天螻一名仙蛄穴土而居有短

良鄉縣志

卷七物產志

蟲屬

三

翅四足雄者善鳴而飛雌者腹大羽小不善飛  
翔吸風食土喜就燈光

阜螽 俗呼螞蚱

蜘蛛 小蜘蛛長腳者名蠹蛸俗呼爲蟾子此蟲  
來著人衣當有喜又一種類蟾而色白能綠

壁捕蠅曰蠅虎

螻蛄 卽寒螿

蛾 古今注善拂燈一名火化一名慕光

蠃 爾雅疏 蝓 蝓 一名蠃 蝓 黑甲翅在甲下 噉糞土喜取糞作丸而轉之 莊子 蝓 蝓之智在於轉丸是也

蜻蛉 又名蜻蛉 有青黃紅黑四種

果蠃 一名蒲盧 似蠶而腰細 俗呼爲蠃

螟蛉 爾雅疏 一名桑蟲 陸機云 螟蛉者 桑上小青蟲也 似步屈 其色青而細小 或在草萊上 果蠃取桑蟲附之 木空中七日而化爲子

良鄉縣志

卷七物產志

蟲屬

三

竈馬 西陽雜俎 狀似促織 好穴竈旁 今俗呼竈雞

蛙 俗名蝦蟆 腰細口大者名田雞 背黑無點者名蟾蜍 古今注 蝦蟆子曰 蝌蚪形圓而尾大 尾脫則腳生

蚓 古今注 一名曲蟪 善長吟於地中

蜉蝣 一名渠畧 爾雅註 似蝓 蝓身狹而長 有角黃黑色 叢生糞土中 朝生暮死 豬好啖之

蛇 西陽雜俎有水草木土四種

蠍 通俗文云蠶長尾謂之蠍

蠓 一名守宮俗名曰蠓虎有二種其長細五

色者曰蜥蜴說文在壁者曰蠓蛭在草者曰蜥

蜴

蚰蜒

蜈蚣 抱朴子蜈蚣見蛇能以氣禁之蛇即死

蟬 卽蠹魚爾雅註衣書中蟲一名蚋魚

良鄉縣志

卷七物產志

蟲屬

三

斑蝥

蟻 本草蟻大者如足大指以背滾行

蠅

蚊

蚤 俗呼臭蟲

蚤

蠓 爾雅疏小蟲似蚋亂飛者也

蛄 爾雅疏方言云蛄蟻謂之強蟬今米穀中

小黑蠹蟲也

良鄉縣志

卷七物產志

蟲屬

三

